

Musikagunea martxan da dagoeneko, eta bai Musika Eskola eta bai banda leku aldatu dira bertara. Musikagune horren hirugarren hanka guztiz finkatzea falta da ordea, orain, eta datorren ostegunean (hilak 12) egingo dute horretarako bilera. Herriko musika taldeentzat hiru lokal daude Musikagunean, eta lokal horien erabilera zehaztu nahi du Udalak, musika taldeekin eurekin. Horregatik, herriko musika talde guztietako ordezkariak gonbidatzen ditu bilera horretara, lokal horiei ahalik eta erabilgarritasun egokiena nola atera zehazteko. Bilera 20:00etan izango da, udaletxeko 4. solairuan.